



# Die Lanteren

Gereformeerde Kerk Potchefstroom Die Bult

Jaargang 1 #31

28 Oktober 2012

## 09:30 Oggenddiens

**Ds Fanie Coetzee**

**Tema:** Saam met die Here op 'n trekpad

Sing: Ps. 84-2:1,2

Sing: Ps.84-2: 5 (Kinderbegeleiding)

Sing: Sb.9-1: 1,2 almal, 3-9 beurtsang bo en onder, 10,11 almal

**Skriflesing:** Eksodus 33 **Teks:** Eksodus 33:14-16

Sing: Sb.5-4:3,4,5,6

Sing: Ps.73-1:10,12

Amen: Sb.13-2

## 11:30 English Service

**Dr Raymond Potgieter**

**Theme:** Taming the tongue

**Scripture reading:** James 3:1-17

**Text verse:** James 3:11



## 19:00 Aanddiens

**Hervormingsondag**

Ons vier vanaand die Hervorming tydens 'n gesamentlike diens van al die Gereformeerde kerke in die Ouditorium om 19:00. Lees meer op bladsy 2.

## BULT EEN JAAR OUD!!!

Hierdie gemeente van die Here het verlede jaar op die ooreenstemmende Sondag, op 30 Oktober tot stand gekom. Ons dink terug op baie seëninge van die Here. Die eenheid, samewerking en nuwe gerigtheid wat in die bediening ontwikkel het, is groot genade van die Here. Na 'n lang proses van beroeping is Ds Willem en sy gesin hande-viervoet ingeburger in die gemeente en sien ons uit na 'n toekoms in die Here se hand. Baie dankie aan elke lidmaat wat in die tyd opgeoffer, aangepas en saamgewerk het. As daar soveel in een jaar kon gebeur is ons werklik opgewonde oor die toekoms wat voorlê.



**Kerkkantoor** 018-297-4843 (tel)

086-750-5339 (faks)

e-pos: [gkbult@gmail.com](mailto:gkbult@gmail.com)

webblad: [www.gkpotchbult.co.za](http://www.gkpotchbult.co.za)

**Ds Fanie Coetzee:** 082-520-5168

[fanie1coetzee@gmail.com](mailto:fanie1coetzee@gmail.com)

**Ds Willem Steyn:** 082-854-3587

[steyn.willem@gmail.com](mailto:steyn.willem@gmail.com)

# HERVORMINGSONDAG

Alle kerke in reformatoriese tradisie vier hierdie Sondag, die naaste aan 31 Oktober, HERVORMINGSSONDAG. Ons herdenk dan die ingrypende gebeurtenis wat die begin van die Hervormingsbeweging aan die gang gesit het, naamlik toe Marten Luther op 31 Oktober 1517 sy 95 stellings teen kerkdeur van Wittenberg vasgespyker het. Die beginsels wat uit die Reformasie gespruit het, is vandag nog net so van toepassing

- Solo Christo – Christus alleen
- Sola Schriptura – Net die Skrif
- Sola Fide – Net die geloof
- Sola Gratia – Net genade
- Sola Deo Gloria – Net die eer van God

**Ons vier vanaand die Hervorming tydens 'n gesamentlike diens van al die Gereformeerde kerke in die Ouditorium om 19:00. Mag die Here ons lei om altyd reformerend te wees.**

## GROUP LEADERS

### WANTED



**Together with Reformed Church Cachet we plan an English Camp for first year students, 9 – 11 January, 2013 DV. Anyone who desires to be a group leader can contact Rasea Molefe (073 337 9350 or email: 20765223@nwu.ac.za).**

**Deadline: 16 Nov @ 16:00**

## GROEP 35 - 55

Die lankbeloofde kuier is uiteindelik hier...

**Vanmiddag...** 'n Lekker kuier

by GP en Hesmé Schoeman!

Bring eie-alles en

onthou vleis, 'n bykos

en stoele is noodsaaklik.

As jy wonder,

bel Elizabeth

Steenekamp

by 083 452 2816

**Moet dit**

**nie mis nie!**



## *Bankbesonderhede*

Gereformeerde Kerk Potchefstroom Die Bult

ABSA Tomstraattak

670-264-661 (Tjekrekening)

Verwysing: Van, voorletters, Wyk / KG

## Kosbank

Die Kosbank is weer aan die leeg word, en ons vra enige skenkings hiervoor. Hierdie skenkings sal dan weer aan behoeftiges in ons omgewing gegee word.

Veral blikkies vleis / vis en sojaprodukte is noodsaaklik. Geblikte groente, vrugte of selfs iets soos koffie of suiker word ook baie waardeer.

Skenkings kan by die kerkkantoor of in die portaal by die kerk afgegee word.

Skakel gerus met die kerkkantoor vir enige navrae.

## Blapse in kerkblaadjies

*Dames, moenie die krap-en-koop aand vergeet nie. Dis ook jou kans om van al die onnodige goed in jou huis ontslae te raak. Onthou om jou man saam te bring.*

## TOERUSTINGSGELEENTHEID SAAM MET PROF DAVI GOMEZ VAN DIE Igreja Presbyteriana doBrazil (IPB)

Ons is bevoorreg om vir prof Davi Gomez tydens sy besoek aan Suid Afrika hier in Potchefstroom te kan ontvang. Hy is bereid om saam met ons te vergader om toerusting te gee en sy insigte met ons te deel oor "**The revitalisation of the church**"

Hy het tydens die onlangse sinode van die GKSA in Januarie die sinode op 'n begeesterde wyse toegesprek oor die groei van die Gereformeerde kerke in Brasilië.. Die Sinode het gehoor van die kragtige groei van die gereformeerde kerke in 'n land wat bekend staan as 'n Rooms Katolieke land en van sending wat met baie groot seën dwars oor die wêreld gedoen word.

Die IPB het tans ongeveer 1 miljoen lidmate, 6400 predikante, 8 teologiese skole en een na-graadse sentrum vir predikante – 'n sentrum met wie ons Teologiese Skool DV aan die einde van die maand 'n ooreenkoms sluit. Die IPB het dieselfde jaar as die GKSA tot stand gekom – 1859.

Op Woensdagaand om 18:30 is daar 'n oop uitnodiging aan al die lidmate van die gemeentes om saam na hom te kom luister. Die geleentheid vind plaas in ons kerkgebou.

### *Kom besin vanuit die Woord saam oor die pad vorentoe*

Dit is heel gepas om 'n jaar na die ontstaan van die Bult gemeente, saam met die twee predikante, vanuit die Woord van die Here, te besin oor die trekpad waarop die Here ons plaas.

Ons as gemeente het reeds met die Fokustyd besin oor die drie sirkels van IN, OP en OOR die BULT. Hieruit het dit duidelik geword dat die sirkels nie waterdig geskei kan word nie en het 'n IDENTITEITSTELLING ontwikkel wat ons soos volg formuleer: "Geref kerk die Bult – Ons is Christene wat elke dag, heeldag op en oor die Bult lewe."

Vanuit die pad wat die Here reeds met ons geloop het, wil ons nou vorentoe en verder agter die Here op trek gaan. Presies waar en hoe die toekoms lyk kan nie een van ons voorspel nie, maar ons wil in gehoorsaamheid op 'n pad gaan.

Nadat die twee predikante die afgelope tyd heelwat saam besin het oor die bediening en hieroor met die kerkraad in gesprek getree het, glo die kerkraad dat die Here ons gelei het om nou as gemeente saam te besin oor 'n paar dinge wat ons op die pad wil saamneem. Natuurlik is dit maar enkele sake, maar dit staan tans vir ons voorop.

1. **AANBIDDING** in die wydste sin van die Woord is deel van die doel hoekom ons en die gemeente bestaan. Ons wil op die pad gaan terwyl ons God aanbid.

2. Ons trek nie in isolasie van mekaar nie, maar juis ons, wat deur die Here in die gemeente gevoeg is, gaan **SAAM** op trek. Ons het mekaar nodig en moet mekaar toerus, ondersteun en bystaan op die trekpad;

3. Ons fokus op die pad moet baie sterk op **VERHOUDINGS** ingestel wees;

4. Ons loop die trekpad **LUISTEREND**;

5. Terwyl ons luister wil ons ook **DOENEND** op trek gaan met die wete dat toerusting in die praktyk die mees effektiewe manier is.

Oor die volgende vyf weke wil ons die sake in die prediking aanspreek maar veral ook almal uitnoui om saam met die predikante hieroor Bybelstudie te kom hou.

Julle kan self kies watter van drie tye julle wil kom bywoon aangesien dieselfde Bybelstudie drie keer herhaal word. Of Maandagmiddae tussen 17:00 en 18:30 OF Maandagaande tussen 19:30 en 20:00 OF Dinsdagaande tussen 19:30 en 20:00. Die Bybelstudies begin op Maandag 5 November.



# KUIERKOMBUIS

Na evaluering van die aktiwiteite van die KUIERKOMBUIS kan ons met groot dankbaarheid teenoor die Here berig dat ons by die R 90 000 wins ontvang het. Ons kan dit in drie gelyke dele uitdeel aan die Venterskroon-bediening, die Viljoen hulpfonds en die Simon Coetzee Versorgingstrust. Weereens 'n woord van groot dank aan elkeen wat op een of ander manier 'n bydrae tot die saak gemaak het.

Hierdie jaar het die projek 'n nuwe fokus gekry as deel van die bediening van die Gemeente OP die BULT. Die Here skep die geleentheid op geen ander plek nie as juis hier op ons voorstoep en bring duisende mense hierheen. Dit was 'n voorreg om 'n klompie hiervan die liefde van die Here te kon bedien.

## Baie dankie

Liewe gemeente

Baie dankie vir u ondersteuning en bydrae tot die Viljoen Hulpfonds. Dit was 'n voorreg om deel te wees van die Kuierkombuis en die geselligheid van mense en die wete dat 'n mens deel kan wees van 'n groter familie.

Julle meelewing en ondersteuning beteken vir ons baie.

Ons opregte dank en waardering.

Dawie en Mariette Viljoen

Teeskinkbeurte

Vandag

KG 10 & Wyk 28 (Petro Steyn & Retha van Wyk)

Volgende Sondag

KG 11 & Wyk 30 (Annemarie Schoeman &

Baie dankie! **Jacoba van Rooy)**

# Kuier-saam-ontbyt-bederf

Kom geniet 'n heerlike ontbyt-bederf

Sommer op die kerksaal se eie erf

Saterdag 24 November is die dag

Ons begin al vroeg, ja sommer net na ag.

R30 is al wat jy moet betaal

Vir koffie en ontbyt op die stoep van die saal.

Bespreek by jou diaken\* sodat ons darem kan weet

Vir hoeveel mense ons eiers sal moet afmeet.

Die ontbyt is vir almal so, kom geniet die bederf

Ek sê weer dis sommer hier op ons eie kerksaal se erf.

*\* Jy mag ook by die kerkkantoor laat weet*

# Pret vir al die Katkisanter!!!!

**24 November** net na die ontbyt

Kom die kinders bymekaar van noord en van suid.

Want dan gaan ons kuier op die kerksaal se erf

En die kinders word met heerlike pretgoed bederf

Van **10 tot 1** kan julle daar kom speel

Ons gaan lekker eet en gly en kyk wat die studente alles kan reël

So, al die kinders van **laerskool** tot **matriek**

Kom speel en kuier en eet tot die horlosie 1 uur tiek



# Beroepe

## BEROEPE ONTVANG

Ds OJ Struwig van Delmas na Frankfort.

Ds JC van Dyk van Ventersdorp na Zeerust.

Ds RA Bain van Cachet na Die Kandelaar.

Ds W Jobse van Barkly-Oos/Maclear-Elliot-kombinasie na Jeffreysbaai.

## BEROEPE AANVAAR

Ds HB Coetsee van Ontdekkers na George.

## BEROEPE BEDANK

Dr VE d'Assonville van Marble Hall en Reformatories-Theologiese Seminaar, Hannover, Duitsland na Vryburg.

Dit is nie nodig om die koppies vir die Engelse diens se lidmate te bêre nie – hulle drink koel drank in die Somer.



**Kom kuier saam in die G5** Elke Woensdag vanaf 18:00 en Sondag na die ere-diens in die G5 koffiekamer agter die kerksaal. Kom geniet goeie geselskap, met beter koffie.

**Sien JOU daar!**

## BULTUITREIK

Hoewel die reënerigheid dit moeiliker gemaak het, het 'n groepie Woensdagaand 'n draai op die Bult gemaak om te gaan waarneem en luister. Terug in die Koffiekamer het ons heerlik gesmul aan die Worsbroodjies wat 'n klein-groep vir ons gemaak het terwyl ons ons ervarings met mekaar kon deel.

Die ervarings wat nie noodwendig aardskuddend nie. Enkele algemene gesprekke is gevoer, name is geleer ken en kontakte is vir die toekoms gemaak. Elkeen wat gegaan het, het ryker teruggekom en na die gesprek in die Koffiekamer het ons 'n tree of wat nader gegee aan hoe ons met die G5 Luisterbediening moet vorentoe gaan.

Dit is moeilik om wat ons ervaar het, aan ander wat dit nog nie gedoen het nie, te verduidelik en daarom vra ons dat lidmate hulle kom blootstel aan die wyse van uitreik wanneer ons dit volgende jaar meer gereeld gaan doen.

Uiteindelik moet dit 'n leefwyse word om elke dag op elkeen se eie "BULT" doelbewus te luister en die liefde van die Here aan ander te bedien.



Ek wil graag 'n lidmaat word

Ek wil graag huisbesoek hê

Naam: .....

Telefoonnommer: .....

Gooi in kollekesakkie / Gee in by kerkkantoor

## STUDIESENTRUM

Die kerksaalkompleks is tot Woensdag 14 November in 'n STUDIESENTRUM omskep. Dit is 'n geleentheid waartydens ons die fasiliteite van die Here aan studente wil beskikbaar stel en die liefde van die Here op die manier wil bewys.

Lidmate kan op die volgende maniere betrokke wees:

- **BID** dat die Here die projek sal seën en dat ons die geleentheid vir gesprek en liefdesdiens sal raaksien.

- Kom neem 'n **DIENSBEURT** of twee waar. Jy het geen spesialiskennis nodig nie. Jy sal die keer 'n T-hemp ontvang om te dra sodat jy uitgeken kan word. Al wat jy moet doen is om toe te sien dat die koffiekamer in goeie orde is en verder net daar te wees indien iets nodig is. Bring 'n boek of jou rekenaar saam en kom werk somer self hier.

- Maak asb **REKLAME** vir die aksie. Daar sal vandag pamflette in die portale beskikbaar wees wat julle in julle werksplek of waar ook al kan versprei. Neem gerus daarvan en sprei die goeie nuus uit.



# Verjaarsdae

## **Vandag, 28 Oktober**

George Lotter  
Kleingroep 02 083-284-7599

## **Maandag, 29 Oktober**

Jakus Eloff  
Wyksgroep 16 084-916-7173  
Martin van Rensburg  
Wyksgroep 28 082-885-8218

## **Dinsdag, 30 Oktober**

Faan de Beer  
Wyksgroep 10 076-189-9360  
Magdeli Steenekamp **12**  
Wyksgroep 26 018-294-5685

## **Woensdag, 31 Oktober**

Mariëtta Basson  
Wyksgroep 04 083-660-2917  
Thinus de Jager  
Wyksgroep 26 082-347-6004

## **Donderdag, 1 November**

Liana Werkman  
Wyksgroep 11 071-471-7762

## **Vrydag, 2 November**

Nico van der Merwe  
Wyksgroep 30 018-297-3669  
Magda van der Walt  
Wyksgroep 06 018-294-4808

## **Saterdag, 3 November**

Imke de Kock **14**  
Kleingroep 05 076-570-3825  
Jan de Kock  
Kleingroep 05 082-888-2003  
Elmari Fouché  
Wyksgroep 11 082-532-3118  
Koos Schoeman  
Kleingroep 11 082-433-8222  
Albert van der Merwe  
Wyksgroep 30 018-297-3669

# Meelewing

**Andries** en **Susan Campher** (083-335-7731) het hulle babatjie enkele dae voor sy geboorte verloor. Ons bid vir hulle en glo dat die boodskap van Christus se opstanding uit die dood hulle in die moeilike tyd sal vertroos.

Ons dink steeds aan **Ben Strydom** (018-294-5411) wat die laaste tyd baie verswak het. Bowendien sukkel **Eunice** met 'n seer been. Die geloofskrag en vreugde van die Here is egter merkwaardig sigbaar by hierdie twee gelowiges.

**Suzette Coetzee** (082-854-0764) se knie-ervanging het goed afgeloop en bid haar herstel toe.

**Kobie Blom** (072-202-7533) gaan die week na Pretoria vir 'n knieervangingsoperasie. Ons bid vir die Here se seën op die operasie.

Ons dink vandag weer aan al die bejaarde lidmate wat nie saam met ons kan vergader nie. Na besoek aan oom HB en tannie Anna vd Walt besef 'n mens weer die leemte wat gelowiges ervaar om nie meer saam met die huisgesin van die Here bymekaar te kom nie.

**Laat ons hierdie broers en susters nie vergeet nie.**

Baie geluk aan **Theuns Eloff** (082-806-4956) wat 'n onlangs die "Africa Excellence in Communication Leadership"-toekenning ontvang het. Dit is 'n besondere eer!

---

## Borg 'n Bybel

---

Die finale bedrag wat ons gemeente ingesamel het vir die Borg 'n Bybel projek is uiteindelik bekend! Die bedrag beloop op **R26 032.00** en ons borg dus 500 Bybels (een Bybel kos R52).

Ons het aan die begin van die projek gemik vir 500 Bybels, en op stadiums gedink dat ons dit nie gaan haal nie! Maar vandag kan ons net aan God eer gee, dat ons so 'n mooi bedrag kan skenk aan Bybelverspreiding. Vanoggend se liefdegawe by die deur gaan ook aan Bybelverspreiding.